

Broj: 816-030-04/25
Sarajevo, 19.11.2025. godine

Na osnovu člana 69. stav 2) tačka d) i člana 70. stav 1), 3) i 6) Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije br: 816-060-06/25 od 19.11.2025.godine, u postupku nabavke roba-laboratorijski pribor i hemikalije (LOT 2), direktor donosi:

ODLUKU

o poništenju postupka javne nabavke roba - laboratorijski pribor i hemikalije -LOT 2

I

Poništava se postupak javne nabavke roba – laboratorijski pribor i hemikalije, LOT 2 -Hemikalije, putem *konkurentskog zahtjeva za dostavu ponuda*, evidencijski broj nabavke PJNR-13/25, pokrenut Odlukom o pokretanju br. 816-030-01/25 od 03.11.2025. godine, obavještenje o nabavci br. 22651-7-1-99-3-43/25 objavljeno dana 04.11.2025.godine.

II

Postupak iz tačke I ove Odluke se poništava iz razloga propisanih članom 69. stav 2) tačka d) Zakona o javnim nabavkama, odnosno iz razloga što niti jedna primljena ponuda nije ocjenjena kao prihvatljiva.

III

Ova odluka objavit će se na web-stranici www.cnt.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

IV

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 816-030-01/25 od 03.11.2025. godine. Javna nabavka je provedena putem konkurentskog zahtjeva za dostavu ponuda sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 25.600,00 KM bez PDV-a, sa predviđenom podjelom na LOT-ove. Procjena vrijednosti LOT 2 je iznosila 20.023,00 KM bez PDV-a.

Tenderska dokumentacija je objavljena na portalu javnih nabavki zajedno sa obavještenjem o nabavci broj: 22651-7-1-99-3-43/25 objavljeno dana 04.11.2025.godine. Sažetak obavještenja o nabavci objavljen u Službenom glasniku BIH, br. 67/25.

Komisija za javne nabavke imenovana je Odlukom broj: 816-030-02/25 od 03.11.2025.godine. Komisija za javne nabavke dostavila je 19.11.2025. godine Zapisnik o pregledu i ocjeni ponuda sa odgovarajućim prijedlogom, broj: 816-060-06/25, u postupku javne nabavke roba- laboratorijski pribor i hemikalije-LOT 2.

Komisija za javne nabavke blagovremeno je izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da je za LOT 2 – hemikalije:

- da je blagovremeno zaprimljena- 1 ponuda;
- da je ukupan broj pristiglih ponuda – 1;
- da nije bilo neblagovremenih ponuda.

Komisija je ocijenila da je ponuda ponuđača Mikro+Polo d.o.o., Pijačna 14k, 71000 Sarajevo, BiH, ponuda br. 846/25 od 13.11.2025. godine-nepravilna, te je stoga odbacila istu iz razloga propisanih članom 68. stav 4. tačka i) Zakona o javnim nabavkama BiH.

Zapisnikom o pregledu i ocjeni ponuda sa prijedlogom/preporukom Komisije br. 816-060-06 od 19.11.2025. godine utvrđeno je sljedeće:

Komisija je utvrdila postojanje računskih grešaka, s obzirom na to da ukupne cijene stavki ne odgovaraju umnošku jedinične cijene i količine, u skladu sa članom 5. stav (4) tačka a) Uputstva za pripremu modela tenderske dokumentacije i ponuda.

Budući da se jedinične cijene stavki navedene u ponudi ne mogu mijenjati i ne smatraju se računskom greškom, u skladu sa članom 17. stav (5) Uputstva i odredbama tenderske dokumentacije, a da bi ispravka uočenih računskih grešaka (ukupnih cijena stavki), primjenom ponuđenih jediničnih cijena, dovela do prekoračenja procijenjene vrijednosti u zbiru ukupnih stavki, ponuda se nije mogla ocijeniti kao prihvatljiva.

Sljedom navedenog, ponuda se odbacuje na osnovu člana 68. stav (4) tačka i) Zakona o javnim nabavkama BiH, jer ponuda broj 846/25 od 13.11.2025. godine nije potpuna i ne ispunjava zahtjeve iz tenderske dokumentacije, te se u skladu s tim ocjenjuje kao nepravilna.

Komisija za javne nabavke je u Zapisniku o pregledu i ocjeni ponuda predložila ugovornom organu da donese odluku o poništenju postupka javne nabavke roba –laboratorijski pribor i hemikalije, LOT-2, u skladu sa članom 70., a na osnovu člana 69. stav 2. tačka d) Zakona o javnim nabavkama BiH, obzirom da je jedna dostavljena ponuda ocijenjena kao nepravilna, odnosno nijedna od primljenih ponuda nije prihvatljiva.

Cijeneći prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 5 (pet) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka i sadrži elemente propisane članom 105. Zakona o javnim nabavkama BiH.

Direktor



Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a